

Na osnovu člana 27. Zakona o ustanovama („Službeni list RBiH“, broj 6/92, 8/93, 13/94) i člana 24. Pravila Javne ustanove Centar za kulturu „Ahmed Muradbegović“ Gradačac (Broj: 02-82/18, 02-017/20), Upravni odbor na sjednici održanoj 18.04.2025. godine d o n o s i

### **ODLUKU**

**o neusvajanju Izvještaja o radu i Finansijskog izvještaja o poslovanju  
Javne ustanove Centar za kulturu „Ahmed Muradbegović“ Gradačac za 2024. godinu**

#### **Član 1.**

Ne usvaja se Izvještaj o radu i Finansijski izvještaj o poslovanju Javne ustanove Centar za kulturu „Ahmed Muradbegović“ Gradačac za 2024. godinu.

#### **Član 2.**

Ova Odluka stupa na snagu danom donošenja.

**Javna ustanova Centar za kulturu  
„Ahmed Muradbegović“ Gradačac**

**Broj: 02-061/25  
Gradačac, 18.04.2025. godine**



**Predsjednik Upravnog odbora**

*Peštalić*  
**Adnan Peštalić**

## O B R A Z L O Ž E N J E

### Odluke o neusvajanju Izvještaja o radu i Finansijskog izvještaja o poslovanju Javne ustanove Centar za kulturu „Ahmed Muradbegović“ Gradačac za 2024. godinu

Direktorica Javne ustanove Centar za kulturu „Ahmed Muradbegović“ Gradačac je dana 11.04.2025. godine na protokol Ustanove pod prijemnim brojem 01-054/25 predala Izvještaj o radu Javne ustanove do 31.12.2024. godine i Finansijski izvještaj o poslovanju Ustanove u periodu od 01.01. do 31.12.2024. godine.

Upravni odbor je na sjednici održanoj dana 18.04.2025. godine razmatrao ove izvještaje i donio Odluku o neusvajanju Izvještaja o radu i Finansijskog izvještaja o poslovanju Javne ustanove Centar za kulturu „Ahmed Muradbegović“ Gradačac za 2024. godinu iz sljedećih razloga:

- Ustanova je u 2024. godini ostvarila višak rashoda nad prihodima u iznosu 23.047,44 KM (prihodi 456.619,08 KM, rashodi 479.666,52 KM), odnosno ostvarila je negativno finansijsko poslovanje u navedenom iznosu, što je vidljivo iz Finansijskog izvještaja, kao i iz obrasca „Račun prihoda i rashoda“ za period izvještavanja od 1.1.2024. do 31.12.2024. godine koji je dana 21.02.2025. godine predat Finansijsko informatičkoj agenciji, Poslovna jedinica Tuzla, Ispostava Gradačac.
- Ustanova nije ostvarila Finansijski plan poslovanja za 2024. godinu, što se u strukturi prihoda posebno odnosi na vlastite prihode od kino ulaznica, muzejskih ulaznica i zakup kino sale (planirano 22.000,00 KM, ostvareno 7.621,49 KM, procentualno 34,64%), samostalne prihode po projektima kulture i informisanja – TK i FBiH (planirano 23.000,00 KM, ostvareno 8.450,00 KM, procentualno 36,74%), prihode od vlastite djelatnosti, marketing i oglasi (planirano 20.000,00 KM, ostvareno 16.416,12 KM, procentualno 82,08%). U strukturi rashoda koji se ne odnose na tekuće poslovanje, posebno se ističe razlika rashoda za naknade po ugovoru o djelu koji su bili planirani u iznosu 700,00 KM, a ostvareni su u iznosu 30.500,00 KM, što je razlika ostvarenih u odnosu na planirane rashode u nominalnom iznosu 29.800,00 KM, odnosno ostvareni su veći rashodi u odnosu na planirane u procentualnom iznosu 4.354,14 %. U strukturi rashoda po projektima Kantona i Federacije ostvareno je 11.548,70 KM, a u strukturi prihoda - prihod po projektima kulture i informisanja – TK i FBiH ostvareno je 8.450,00 KM, što je razlika rashoda u odnosu na prihode u iznosu 3.098,70 KM, iako je i u prihodima i u rashodima bilo planirano 23.000,00 KM, a ostvareni rashodi se nisu kretali u okvirima ostvarenih prihoda.
- Planirani prihodi Ustanove u 2024 godini su bili 447.000,00 KM, a ostvareni su u iznosu 456.619,08 KM (razlika 9.619,08 KM), što se u najvećem dijelu odnosi na ostvarene veće prihode iz budžeta Grada za tekuće poslovanje – tranše i neplanirane prihode od Službe za zapošljavanje Tuzlanskog kantona po Projektu sufinansiranja zapošljavanja djece šehida/poginulih boraca (20.698,59 KM), međutim, ostvaren je puno veći rast rashoda koji su iznosili 479.666,52 KM u odnosu na planirane koji su iznosili 442.820,00 KM (razlika 36.846,52 KM), što je na kraju, uz neostvarenje planiranih vlastitih prihoda, rezultiralo većim rashodima u odnosu na prihode u iznosu 23.047,44 KM, odnosno ostvareno je negativno finansijsko poslovanje Ustanove u navedenom iznosu.

Iz prethodno navedenih razloga, između ostalih, Upravni odbor je na sjednici održanoj 18.04.2025. godine donio Odluku o neusvajanju Izvještaja o radu i Finansijskog izvještaja o poslovanju Javne ustanove Centar za kulturu „Ahmed Muradbegović“ Gradačac za 2024. godinu.

Javna ustanova Centar za kulturu  
„Ahmed Muradbegović“ Gradačac

Broj: 02-061/25  
Gradačac, 18.04.2025. godine



Predsjednik Upravnog odbora  
*Adnan Pešalić*  
Adnan Pešalić